

2,000 penuntut UMP sertai syarahan umum

31 (Tmu-) Isnin 23/5/17 m 5 N4

Kuantan: Lebih 2,000 penuntut Universiti Malaysia Pahang (UMP) menghadiri Siri Syarahan Umum Kebangsaan di kampus induk universiti itu di Gambang, di sini.

Syarahan bertajuk 'Di Sebalik Upin dan Ipin Dari Kaca Mata Tok Dalang' disampaikan Pengarah Urusan Les' Copaque Production Sdn Bhd, Burhanuddin Md Radzi.

Siri Syarahan Umum UMP membabitkan tiga kategori iaitu Syarahan Umum Profesor, Syarahan Umum Kebangsaan dan Syarahan Umum Antarabangsa.

UMP merintis program berkenaan sejak 2010 dan antara yang pernah menjadi pemidato adalah bekas Perdana Menteri, Tun Dr Mahathir Mohamad.

Mampu bersaing

Naib Canselor UMP, Datuk Dr Daing Nasir Ibrahim, berkata kemunculan animasi tempatan meyakinkan bahawa Malaysia juga mampu bersaing dengan nama besar industri

itu di peringkat antarabangsa.

"Hari ini, kita ada karya seni tempatan yang sama hebat dengan produk luar, malah lebih mencerminkan budaya negara ini. Karakter animasi ini juga adalah hasil kecemerlangan usahawan Bumiputera hingga berupaya menembusi pasaran antarabangsa," katanya.

Sementara itu, Pengarah Bahagian Jaringan Industri dan Masyarakat UMP, Prof Dr Zulkefli Yaacob, berkata perkongsian ilmu daripada produksi filem animasi berkenaan adalah dorongan kepada golongan muda untuk menceburi bidang animasi dan keusahawanan.

Katanya, filem animasi *Geng: Pengembaraan Bermula* yang berjaya menerjah pasaran filem Asia hasil karya anak tempatan menjadi contoh kepada remaja yang meminati bidang itu.

"Ia sebagai pemangkin kepada masyarakat luar yang berminat dalam bidang ini agar berusaha lebih gigih untuk berjaya," katanya.